


宣恩縣志

地260.197

38

:1~6



同治二年仲秋鐫

宣恩縣志

板藏龍洞書院

序

古者輶軒觀風採諸名公卿之紀載及里巷之謠傳勒為成書以驗風俗今之志書髣髴類此而其間微有異者蓋十五國之風美刺雜出而志體則有美而無刺於其可美者筆之其

序

一

可刺者削之無兩用者也近代人文浸興無論通都大邑其為志也詳且備即山城巖邑莫不有志志者志其風土山川嘉言懿行而不使湮沒不彰云爾余於壬戌四月奉檄宰宣蒞任之日禮書以邑志呈閱其全書僅



三頁紀六土司沿革原委此外附載山川不及十之一且畧而不詳余甚異焉夷考宣之地上古為廩君國春秋時屬巴子國又屬夔子國自秦漢以來建置不一分隸亦不常或曰夜郎即其地也或曰否宋以下為六土

序

二

司所分據夫當六土司之時桀梟不馴弱肉強食其無文可考無獻可徵亦固其所我

朝家天下子元元清四海服百蠻初仍舊制而負固者心漸回狡强者跡胥歛已不復昔年之獷悍矣其後

聖聖相承重熙累洽無遠弗届格及有苗  
觀於東鄉忠建施南三司之以罪改  
流忠尚高羅木册三司之自請歸流  
悉見

聖天子威德兼施上軼中天遠超前代猗  
歟休哉何治之隆歟溯自乾隆元年

序

三

設邑至今涵濡

至化百有餘歲其士講禮樂而習詩書其  
民知廉恥而守法度家絃戶誦日進  
醕良而猶使風土山川嘉言懿行湮  
沒而不彰益增余憾矣顧時方籌貲  
賓興控愆少暇有志未逮遲迴久之

越七月從弟金圻自滬來此余喜纂  
修之有助也廼謀諸學博蔡君蔡君  
善屬文懇其同歲厥事搜得施南府  
志全冊以資考證癸亥六月邑諸生  
石廉携前任賈公志稿一本其大概  
如郡志所載蓋賈稿創於乾隆四十

序

四

四年郡志成於道光十五年固已選  
入無遺也惟藝文所未載者今並錄  
之夫為志難為志於宣邑則尤難採  
訪資之紳士而選擇未盡周詳稽覈  
責諸吏胥而案卷半遭回祿雖藉賈  
志為粉本語而不詳之譏固所不免

蓋有無可如何者也夫余非好為志也  
不惟慮風土山川嘉言懿行湮沒  
而不彰而尤恐我

國家如天好生之量歲捐帑金以拯此  
一方或食毛踐土者未盡深體

皇恩共為皞皞之民此則余之所悒悒者

序

五

也而為志其次焉耳蓋宣揚

德意守土之責也故以此為風俗之書可

以此為勸忠之書亦無不可至於證  
今考古採擇無遺非倉卒間事余署  
理踰年行將去任急欲告成付剞劂  
氏原非敢自信為完書修飾而潤澤

之更有望於後之秉筆者是為序  
同治二年歲在昭陽大淵獻庚申月  
知宣恩縣事平湖張金瀾撰

序

六

序

志者志其所可傳以傳之於後也各省各府及各州縣類皆有志而宣恩則尚未有志也雖然宣之尚未有志也有故其在六土司時分據其地負固稱雄人情篤風俗澆文學不明節義

序

罔識猶是人民無師儒之訓迪猶是山水無仕宦之留題迨我

朝乾隆元二年後設官建學改弦而更張之董勸而優柔之固有去其舊染咸與維新之機焉乾隆四十四年邑令賈公曾有修志之議未果其遺稿

猶有存者想其時去改土歸流未久  
志之未成意若猶有待焉邇來涵濡  
聖德蓋百數十年於茲矣駕者多馴澆者  
近厚文學漸彰節義漸著雖地處偏  
隅非若通都大邑有名儒碩彥之可  
書名山大川之可紀然而十步之內

序

二

必有芳草十室之邑必有忠信矣考  
其地在周為夔子國春秋為巴子國  
秦為黔中郡漢為南郡其後為施州  
為珍州先代封土厯厯可數焉况乎  
某山某水猶有遷客騷人之遺跡民  
風物產與夫嘉言懿行不無約略可

傳是惡可以不志同治壬戌浙之張君來宰是邑張君諳練深沉長於吏事越一年政通人和廢者多舉其第蘭修以省兄來宣皆浙之秀也一日與予籌及修志之事予曰此美意也此盛舉也予雖不敏竊願參末議焉

序

三

廼屬宣之紳耆搜羅而採訪之癸亥夏張子蘭修不辭勞瘁者累月始歲其事相與彙成篇帙遂付棗梨益宣志之大略如此此固初創云爾以俟人物臻盛之日或重修而登紀之以增邑乘之光也尤幸矣是為序

同治二年歲在癸亥夏六月宣恩訓  
導蘄陽蔡景星撰

序

四

賈志稿舊序

蕭中琪

志何以稿名公若曰吾第為之草創云爾若夫討論修飾潤色則姑有待焉甚矣公之謙也試取全志觀之援古證今其討之典而則也論之辨而覈也略所當略則有取於修詳所當

舊序

一

詳則有取於飾而且質有其文不啻扣金石而成韻製美錦以成章也其為潤色之功不既多乎哉乃公猶以稿自居也甚矣公之謙也雖然自有宣邑以來未始有是志也自有斯志以後將志不一志也任數十百年官

是邑有討者論者修者飾者潤且色  
者無不範圍於斯志之中而不必更  
謀其草創之事則即以為宣志之稿  
也亦宜

凡例

一六土司傳授為茲地沿革大端自宋以後分據桀梟前代假之名位聊事羈縻外十二土司不備載以清界限追其改流之原悉見國朝威德兼施而苗疆向化也沿革原委悉如郡志所載

一宣自設邑以來分里七甲二十五施南等里以司名惟石虎向無土司相傳其地有石似虎因以名焉查闔邑土寬而

宣恩縣志

卷之首

凡例

一

瘠山多而深其境內之塘汎集場等備詳而圖內間有未載處限於尺幅故耳

一境內山川載諸郡志者十之三畧而不詳今各里分載並詳方向遠近較清眉目以便後人跟尋

一境內古蹟甚稀惟李溪等九處而已歷險尋幽並無殘碑可認不敢稍為附會致譏穿鑿

一郡志載宣邑萬山環繞一郡胸腹宣境

固多勝境爰擇其尤者列為八景

一郡志附列名宦者宣邑官師中僅四人均未經呈請崇祀今載八邑乘名宦傳仍以附字別之此外尚有其人不敢率為品目以昭慎重至實有政蹟載在口碑者概列小傳附後

一人物中鄉賢忠孝二門不得濫舉外品誼中所收稍寬蓋善善從長之義凡其人現存概不列傳由舊章也

宣恩縣志

卷之首

凡例

二

一節婦核其年例相符不論存歿及已未旌表概書至貞烈婦女訪實皆得備載凡已入傳其婦之子若孫女之父及兄弟或係貢衿亦得附入傳中以彰善報

一所辦賓興及書院膏火捐貲隨置義田並將坐落某處某田若干坵若干額胥一律載明以垂久遠俾後之司事者有所考核

一 通志藝文但錄典籍不及詩文郡志雜  
收之蓋因地處偏僻昔賢遺典半歸零  
落况宣邑改流未遠更屬寥寥乎今循  
郡志例其詩文之載入郡志者概錄至  
近人之作無關本境風土雖工不錄有  
關本境風土不工不錄

一 是邑科甲惟武舉二人此外未有入選  
者然豪傑之士無文猶與矧際我  
朝作育如是其備至乎山川靈秀鬱而

宣恩縣志

卷之首

凡例

三

必發願邑士子共勉旃

一 是地沿革自元以前郡志與賈志稿不  
同今並存之

一 賈稿一本半載詩句且與本境無關不  
備錄其時創始維艱山川人物等志無  
怪從畧目下因其所難列卷二十僅屬  
綱目粗條補苴罅漏有望來者

一 是邑向無昭忠節孝等祠本擬一概創  
建業已勸捐賓興膏火深恐民力不支